

百家姓考略

百家姓考略

中国书店

92
K8
5
2

书店

92
K810.2
5
乙

百家姓考略

清·王相笺注

中國書局

B

827276

百家姓考略

清·王相笺注

*
中国书店出版

新华书店首都发行所发行 北京昌平长城印刷厂印刷

*

850×1168 1/32 印张: 4.25

1991年9月第1版 1991年9月第1次印刷

印数: 00 001—10 100

ISBN 7—80568—353—0/I·67

定价: 2.00元

百家姓考略

歙西徐士業建勲氏校刊

百家姓出兔園集乃宋初錢唐老儒所作時
錢俶據浙故首趙次錢孫乃俶妃李謂南唐
主也次則國之大族隨口叶韻挂漏實多識
者訾之然傳播至今童蒙誦習奉為典冊乃
就其所載粗為箋註方諸古今姓苑氏族諸
書其猶射者之嘒矢也夫琅邪王相題

趙錢孫李周吳鄭王

趙角音。天水郡。伯益裔孫。造父事周穆王。

以功封於趙城。子孫因氏焉。其後叔帶仕

晉。至趙夙世為晉卿。傳趙籍始滅晉為諸

侯。漢有趙廣漢。為京兆尹。宋太祖之遠祖。

錢徵音。彭城郡。系出錢氏。彭祖姓錢。名鏗。

支子去竹而為錢氏。**孫**宮音。樂安郡。系出

姬姓。衛武公子惠孫之孫。以祖字為氏。世為衛卿。又楚有孫氏。為姓之後。孫叔敖為楚相。又齊有孫氏。陳姓之後。陳無宇子子占有功。賜姓孫氏。其後有孫武子。為吳將。武子之裔。世居富春。漢末有孫權。為吳帝。武子之裔也。李徵音隴西郡。系出理氏。皐陶之後。代為理官。子孫以官為氏。有理利貞。避紂居李樹下。改為李氏。老子之祖也。

其後李牧仕趙。李廣仕漢。唐祖李淵。廣之裔也。又晉有里克。衛有禮至。皆理氏之後。與李同源。周角音。汝南郡系出姬姓。周平王少子烈之後。以國為氏。周有周任。戰國有周霄。吳羽音。延陵郡系出姬姓。武王封太伯弟仲雍。曾孫於吳。其後子孫以國為氏。戰國有吳起。漢有吳芮。世為長沙王。鄭徵音。滎陽郡系出姬姓。周厲王少子友封。

於鄭。支子以國為氏。孔子弟子有鄭國。秦有鄭安平。漢有鄭子真。裔孫鄭露。避晉亂。徙閩莆。興立學校。化行七閩。宋鄭樵。鄭俠。皆其後。王商音。太原郡。系出姬姓。周靈王太子晉之後。周有王詡。齊有王蠋。秦將王翦。子賁。生離。離子元。居瑯琊郡。元弟威。居太原郡。又田齊之後避難。改為王氏。又魏信陵君。子孫改姓王氏。又殷王子比干後。

亦曰王氏。凡二十一望。惟太原瑯琊二郡最著。○錢音。尖鏗音坑。為音委。

馮陳褚衛蔣沈韓楊

馮宮音。始平郡。系出姬姓。文王子畢公高支子。食采於馮。子孫去邑為馮氏。戰國有馮亭。漢有馮異。陳徵音。潁川郡。虞舜之後。胡公滿。封於陳。子孫以國為氏。孔子弟子

陳亢。漢有陳寔。為太邱長。裔孫陳霸先。代
齊有天下。國號陳。**褚**羽音。河南郡。系出子
姓。宋共公子段食采於褚。號曰褚師。子孫
因以為氏。漢有褚少孫。補史記**衛**羽音。河
東郡。系出姬姓。文王子康叔封。封於衛。其
後以國為氏。漢有大將軍衛青。丞相衛綰。
蔣商音。樂安郡。系出姬姓。周公子伯齡。封
於蔣。子孫以國為氏。漢有蔣詡。吳有蔣子

文。蔣欽。沈宮音。吳興郡。系出姬姓。文王子
聃季食采於沈。其後以邑為氏。楚有沈尹。
戊子沈諸梁。為令尹。封於葉。號葉公。韓商
音。南陽郡。系出姬姓。武王少子封於韓。晉
滅之。封桓叔子萬於韓原。世為韓氏。至韓
虔。分晉國為諸侯。漢有韓信。楊商音。弘農
郡。系出姬姓。周宣王子尚父。封於楊。晉滅
之。晉武公子伯僑。食采於羊舌。後為羊舌。

氏。至叔向更封於楊。子孫為楊氏。戰國有楊朱。漢有楊喜。封赤泉侯。孫楊敞為丞相。後裔楊寶生震。震生秉。秉生賜。賜生彪。四世為三公。隋文帝楊堅之遠祖也。又有揚氏。從手不從木。周有揚侯。失國後為揚氏。漢有揚雄是也。○鄒音馮。嬌音圭。

朱秦尤許何呂施張

朱角音。沛郡。顓頊之後。周武王封曹挾於邾。其後子孫去邑為朱氏。戰國有朱亥。漢有朱買臣。朱雲。秦徵音。天水郡。系出嬴姓。伯益之後。有嬴非子仕周孝王。牧馬於汧渭。有功封附庸之國於秦。至孫秦仲始列為諸侯。支子以國為氏。孔子弟子有秦祖。秦非。周有醫師秦緩。字越人。尤徵音。吳興郡。系出沈氏。五代王審知稱閩王。國人姓

沈者避審音。去水為尤。宋有尚書尤袤。許
羽音。高陽郡。系出姜姓。神農之裔。周武王
封文叔於許。以主太岳之祀。其後以國為
氏。何角音。廬江郡。系出韓姓。韓王安為秦
所滅。其子孫避難轉音為何氏。漢有何休。
何進。呂羽音。河東郡。系出姜姓。神農後伯
夷仕堯掌禮。佐禹治水。封於呂。世主太岳
祀。周有呂尚。封齊。秦有呂不韋。其妾有娠。

獻莊襄王。而生始皇帝。施徵音。吳興郡。系
出姬姓。魯惠公子施父之後。五代孫施伯。
以高祖字為氏。孔子弟子施之常。張商音。
清河郡。黃帝第五子青賜生揮。觀弧星始
制弓矢。為弓正。主祀弧。遂為張氏。周有張
仲。漢有張良。

孔曹嚴華金魏陶姜

孔角音。魯郡。系出子姓。武王封商微子於宋。至閔公捷生弗父何。何佐孫嘉字孔父。孔父孫畢夷父。以祖字為孔氏。夷父子防叔。仕於魯國。防叔孫叔梁紇生孔子。又衛有大夫孔文子圉。曹角音。譙郡。顓頊五世孫陸終第五子安。大禹賜為曹姓。邾國黎邾皆其後也。又姬姓。文王子曹叔振鐸封國於曹。其後以國為氏。魯有曹劌。邾國之

曹。世居譙郡。漢有曹參。後裔曹騰為中常侍。養甥夏侯氏之子嵩為子。生操為漢相。子丕。代漢為魏文帝。嚴宮音。天水郡。楚莊王庶孫。以王父謚為氏。後避漢明帝諱。改莊為嚴。凡漢書嚴青翟。嚴助。嚴遵。嚴光。皆生時姓莊。死後史官改其姓為嚴也。華角音。武陵郡。系出子姓。宋戴公孫督。食采於華。以邑為氏。世為宋卿。齊有華周。漢有華